

2018 Cungguk Caznieb Gohgi Nienz-hoih Youq Sanhgyangh Gawjhengz

2018 中国茶业科技年会在三江举行

11 nyied 8 hauh daengz 10 hauh, gohgi caeuq ginghci yungzhab lwnhdamz nem 2018 Cungguk caznieb gohgi nienz-hoih haimuqsik youq Liujcouh Si Sanhgyangh Duncuz Swciyen gawjhengz. Gaiq nienzhoih neix aeu “Cauhmoq gohgi caeuq hwngfat cizlieng sang caznieb” ma guh cawjdaez, 900 lai vunz daj Baekging, Sanghaij, Guengjsae daengj daengx guk 22 aen swngj (swcigih, cizyazsi) caeuq Yanghgangj, Daizvanh daengj

digih, caznieb gohyenzsoj caeuq gyoengq caz canjyez daiqbiuj daengj daeuj haenx camgya le aen hoih neix.

Gaiq nienzhoih neix iucingi ndaw guk boux lauxhangz mizmingz haenx guh conhdiz baugau, lij haiguh miz gohgi cwngzgoj hoih doxgyau, 2019 gaiq cazyoz bizyeczwngh vunzcaiz sinsiz doxgyau, langhbaij gij caz “Boindumq Cungguk” ndaej ciengj haenx daengj hozdung.

(Vuz Lenyinh/吴练勋)

► Doengh bous gohgi yinzvenz youq gwnz daiz lingx ciengi.



Lungzswng:Ndaw “Ngoenzsiufuengz” Gangj Siufuengz

龙胜：“消防日”里讲消防

11 nyied 9 hauh dwg “ngoenz senhconz siufuengz 119”, Lungzswng Gak Cuz Swciyen haiguh cawjdaez dwg “daengx minz caez guh fuengz feiz” senhconz hozdung, doenggvaq fat siufuengz senhconz swhliu, yienhciengz langhyienj, cai-duenz doxdax miz ciengj daengj fuengsik gvangqlangh yiengq vunz lai senhconz siufuengz cihsiz, daezsang wngqgip ndojyiemj naengzlig.

(Banh Cisiengz/潘志祥)



▲ Siufuengz cihsiz daj iq ca hwnj.

Gunghewngz:Daih'it Aen “Cehgenh Ruzgungz Guhhong” Venjbaiz Laebbaenz

恭城:首个“就业扶贫车间”挂牌成立

10 nyied 30 hauh banringzgvaq, Gveilinz Si Gunghewngz Yauzcuz Swciyen daih'it aen “Cehgenh Ruzgungz Guhhong” youq Gyahvei Cin Gizsanh Cunh Gizsanh Dajndaem Go' ngaih Conhyez Hozcozse venjbaiz laebbaenz.

Ciuq cam rox, Gizsanh Go' ngaih Conhyez Hozcozse youq 2016 nienz laebbaenz, Dangqna j haeuj se nungzhoh miz 56 hoh, ndawde hohgungzhoj miz 27 hoh. Ciengzgeiz youq ndaw cangj guhhong hohgungzhoj miz 6 vunz, moix vunz moix ndwen ngaenzhong 2000 maenz daedauq, gyoengqde moix ngoenz 9 diemj cung hwnjban, banringzgvaq 5 diemj cung roengzban, seizndwi lij ndaej ma ranz guenleix gij canjyez ciengx ndaem bonjfaenh, lai diuz loh ndaej guh hoengh ginghci demsou.

(Cwng Ciminj/郑智敏 Luz Vwnzcing/陆文静)

Mungzsanh: Ciengx Rwi Baenz Diuz Donghdaemx Canjyez Ruzgungz Moq

蒙山:养蜂成新的扶贫产业支柱



▲ Ciengx rwi conhyezhu son gyoengq hohgungzhoj baenzlawz ciengx rwi.

Mungzsanh Yen ndaw gyaiq gofaex gova lai cungj lai yiengh, hwngfat ciengx rwi canjyez miz gij ndeicawq lai de. Bineix, aen yienh neix youq ndaw hongsaeh ruzgungz hwngfat ciengx rwi, doihengz aen yienghvunq “dangcihibu + gunghsw + nungzhoh” yinx gyoengq hohgungzhoj camgya, aen doih dajciengx ndaej gig vaiq guh hung, seizneix gaenq hwngfat baenz le diuz donghdaemx canjyez ruzgungz moq he.

(Gyangh Yungjluz/江永录)